

記云卿雲見喜氣也古今注云黃帝擒蚩尤於涿鹿有五色雲氣金枝玉葉花葩之狀尙書大傳云周室有未各莖而同生周公曰天下其和一乎已而越裳重九譯來朝然則驗之史冊慶雲嘉禾之瑞固帝王赫聲濯靈遐方讐服之象臣以爲黑苗種類雖性頑壤僻猶附黔楚內地茲上瑞疊形普天光照意必天戈所指掃清殊域來享來王爲萬世寧謐之兆且堯舜之世苗民逆命舞干羽而有苗格故堯時嘉禾生舜時慶雲見今

皇上至誠感神孚於堯舜

天於苗眾先示威應之機

皇上卽譙讓未遑而

天心篤愛已合三王五帝盛德大業

而爲一人矣宣付史館照耀萬古豈不負哉臣黔人也旣恭慶

古州廳志

卷之十上

藝文志

三

受天之祐復私幸本籍人民享億萬載太平熙皞之樂故踴躍懼忭而肅爲之頌曰 皇天眷命景運昌 聖人首出萃

百祥三裔五慶在日旁同本異穗嘉禾穰黔之山兮煥其章黔之水兮爛其光黔之人兮樂且無央不煩一矢啟苗疆彼蒼垂象兮孰敢當膚功超軼古帝王四方來賀天威揚 帝曰俞哉無怠荒恭已南面垂衣裳文恬武熙播萬方日際月竈走鯢驪自天申之寶祚長小臣獻頌兮曰父母之邦

